



22288

III

Mag. St. Dr.

P

kat komp.

drożdżowski *Marii Syncharma labore, viri*
et meritis partum.

PANEG. et VITAE

Polon. Fol.

Nr. 1358.

S

VI

D.

C

C

D.

S

C

Qu

M.

SYNCHARMA
LABORE,

VIRTUTE, ET MERITIS PARTVM;

Q U O D

Clarissimo, & Admodum Reuerendo Domino,

D. M. NICOLAO SVLIKOWSKI,

Collegæ Maiori, S. Th. Doct: & Professori, Ecclesiæ
Colleg: S. FLORIANI Canonico, Contubernij Sisiniani
Prouisor.

Dum sub auspicato Nomine, & Omine

MAGNIFICI, PERILLVSTRIS, ET ADMODVM REVERENDI
DOMINI,

D. ANDREÆ KVCHARSKI,

S. Th. Doct: & Professoris, Ecclesiæ Cathedr: Crac:
Canonici, Colleg: Ecclesiæ SS. OMNIVM Præpositi,
Contubernij Hierosolymitani Prouisoris,

ALMÆ ACADEMIÆ CRACOVIENSIS
GENERALIS RECTORIS.

pro loco

Inter S. Th. Doctores in Celeberrima Vniuersitate Crac:

obtinendo,

Quæstionem grauissimam, & difficillimam, *de Voluntate Diuina*, in
Almo D. IAGELLONIS Archiatheneo, atq; Amplissimi
Senatûs Academici frequentia publicæ velitationi
proponeret.

M. BLASIVS DROPCZYNSKI, *Philosophiæ Doctör, & Professor, Contubernij
Sisiniani Senior*

Honoris & gratulationis ergô, vti Patrono Colendissimo,

E X H I B V I T.

Anno Verbi Incarnati M. DC. LXIV. 5. Cal. Aprilis.

CRACOVIAE, Apud Hæredes Stanislaï Bertutowic.



ODE TRICOLOS TETRAST:

QUò tendis vltra Pieridum iuga,
Collesq; Pindi, fons vbi Pegasi
Per arva crescentes perenni,
Amne rigat refluens corymbos,
Pridem receptus Thespiadum choro,
Desiste versari in penetrabilibus
Musæ Pelasgæ; diceris cum
Laude prius retulisse palmam.
Quò tendis vltra? clariùs emicat
Per Te refulgens Tullius aureo
Sermone, posthumis sepultum
Quem calamo reuocas ab vmbreis,
Natura doctum, quidquid & abditum
Celat, profundo fonte Sophisticum,
Tu peruagatus eruditâ
Arte doces, penetrasq; dogma,
Quò tendis vltra? tendis in Exedras,
Te Concionum pulpita iudicant
Paulum docentem verba CHRISTI
Ambrosiæ similemq; Suadæ.
Obliviosis Te ne ego seculis
Virum relinquam? quem stupuit Cræsus,
Quem rostra dilexere Sacra
Fulmine veridico tonantem.
Dum Tu furorem Martis, & impiè
Collata bellis bella ferocibus
Armis Suecorum, Pannonumq;
Tela, aciemq; minùs timebas,
Quod cordi, & ori præbuit impetus
Ardoris æqui: quod placuit DEO
Non clam, palam, sed affluente
Auxilio Superùm repletus
Edixeras. Te Calûus, & Hussius,
Hydræq; sectarum indomitum pecus
Lutheri, inaudiuere docto
Ore loqui, atq; fidem tueri.
Testantur Almæ VIRGINIS atria
Concessa, Suadæ per Cathedras Tuz,
Zeloq; feruenti sacrata,
Qui populis daret ore verba.
Æterna cultum, quem teneat TRIAS,
Latè sonando, Zwinglius, impio
Blasphemus Arrianus ausu
Dum crepitant: facili retundis

Vmbo.

Vmbone sacri dogmatis, & mali
 Fictos reuelas pectoris ambitus,
 Cogisq; Titanas scelestos
 Ad Strygias remeare sedes.
 Tu facta Diuūm, claraq; pagina,
 Exempla sacrae discutiens benè
 Ad ritè viuendum rebelles
 Dulcisono monitu trahebas.
 Et dum locutus vera, nihil mali
 In Te repertum Wirtzius approbans
 Indulfit altiore nisu,
 Vsis inuigilare Sacris.
 Id gratiarum nactus ab hostibus
 Voto fauenti, non sine gloriâ
 Plebique, mox Senatuiq;
 Ad decus & celebris Lycei
 Ornament; amplis dignus honoribus,
 Et laude summâ nominis inclyti
 Resplenduiſti; nec procellis
 Magnanimum potuit moueri
 Pectus trecentis. Namque per aspera
 Iniuriosi temporis iueras
 Victor tot emensus Charybdes,
 Totq; vices superans malorum.
 Quò tendis vltra? Colchidos aureo
 Gestis potiri vellere? non opus.
 Cui namq; lauru frontem Aquinas
 Doctor honorificâ reuinxit.
 In alta fas est, dirigat ingenî,
 Dotesque, mentemque, imaq; negligat;
 Indigna res est cruditos,
 Improbias habitare sedes.
 Et tendis vltrò? sat Tibi sat semel
 Vidisse Romam, nobile gentium
 Sidus, decusque, Heramq; terræ
 Emporium pietatis almæ.
 Te, Te illa doctâ cinxit adorcâ
 Viuas vt Orbi clarior Arctico
 Felix fruaris ampliore
 Pro meritis meritorum honore.
 Summa attigisti nomina Palladis,
 Quæ fama seclis proferet aureis,
 Quò tendis vltra? celsius ne
 Te poterit Tua ferre virtus?
 Agnosco; sacrae Tu sapientiae
 Culmen subisti, iamq; per ardua
 Scientiarum rostra pulchris
 Te radijs rutilare cerno.

Sat est honoris, fax Academiæ
 Quod sis, Togatæ gemmaq; Palladis.
 I, perge, quò vocaris altos
 Scande gradus Graciæ Palæstræ.
 Adquam cooptat Te sacer inelyti
 Ordo Senatûs, votaue publica,
 Latiq; plausus; ipse Aquinas
 Quò vocat Aligerum Dynasta.
 I, perge, & exornes Academiam
 Victure nobis non sine laudibus,
 Docture dulce dogma viue;
 Viue Tuâ memorande famâ.
 Et Christianæ pande scientiæ
 Arcana Doctor, sic licet occidant
 Terrena: viues, & superstes
 Æuigenos numerabis annos.

E P O S.

A D

Honorem Angelici Doctoris, iuxta Eccl. 15. ver. 3.


Aqua sapientiæ potabit illum.

per

A N A G R A M M A

A Q V I N A S: I N A Q V A S.

Fons populis ter mille sitim sedauit in Haran,
Gen. 29. Ter Rachel siccum, fecit aquare gregem.
ver. 5. Fons doctrina fuit, sapiens Ecclesia Rachel,
 De cuius viux fonte bibuntur aquæ.
 Potus aquæ CHRISTVS, fragiles prognatus ad auras;
 Mortuus, (ex cuius morte) reuixit homo.
 Angelicus Doctor genius cælestis, & altus
 Fons fuit, IN similes sorte vocatus AQVAS
 Aligerum munus, TRIADEM, Mysteria CHRISTI,
 Hic nactus genio Gramma salubre dedit.
 Sacrorum puteus scriptorum dulcis, & Author
 Vitæ, de propria vite propinat aquas.





Biblioteka Jagiellońska



sidr0023601

